

Na osnovu člana 25. Statuta Općine Stari Grad Sarajevo – Prečišćeni tekst („Službene novine Kantona Sarajevo“, broj 31/08) i člana 14. i 15. Odluke o priznanjima Općine Stari Grad Sarajevo („Službene novine Kantona Sarajevo, broj 5/10), Općinsko vijeće Stari Grad Sarajevo je, na prijedlog Komsije za priznanja, na sjednici održanoj 25. aprila 2012. godine, d o n j e l o

ODLUKU O DODJELI PRIZNANJA OPĆINE STARI GRAD SARAJEVO

I

OPĆINSKA POVELJA SA ZLATNIM ŠTITOM

Općinska povelja sa zlatnim štitom se dodjeljuje demobilisanim borcima i jedinicama Armije RBiH i MUP-a RBiH, pripadnicima Civilne zaštite, udruženjima koja baštine tradiciju jedinica Armije RBiH i MUP-a RBiH, kao i drugim fizičkim i pravnim licima, koji su se svojim požrtvovanim djelovanjem naročito istakli u:

- organizovanju i izvođenju odbrane na području Općine, te otklanjanju opasnosti od ratnih razaranja njenog područja;
- organizovanju i djelovanju tijela civilnih vlasti i vitalnih javnih službi u uslovima ratnog stanja na području Općine i time doprinijeli unurašnjem snaženju odbrambenog sistema;
- zaštiti i spašavanju agresijom ugroženog stanovništva i
- pronošanju istine o suštini agresije na RBiH .

- 1. NIJAZ MEMIĆ**
- 2. IBRAHIM MAŠIĆ**

II

POVELJA SA GRBOM OPĆINE STARI GRAD

Povelja sa grbom Općine Stari Grad se dodjeljuje domaćim fizičkim i pravnim licima za izuzetan doprinos:

- u izgradnji i jačanju institucija lokalne zajednice u Općini i njenoj afirmaciji u zemlji i inostranstvu;
- u prosvjetnoj djelatnosti i organizovanju vaspitno – obrazovnog rada;
- u uspješnoj i istaknutoj naučnoj djelatnosti u svim oblastima;
- na razvoju komunalne infrastrukture;
- za investiciona ulaganja u proširenje proizvodnih kapaciteta i upošljavanje većeg broja radnika;
- u promovisanju i razvoju Općine kao turističke destinacije;
- u očuvanju i njegovanju prirodnog i kulturno-historijskog naslijeđa;
- u razvoju bankarskih i institucija osiguranja;

- u proizvodnji hrane;
- u oblasti zdravstva i socijalne zaštite;
- prostornom razvoju Općine;
- u unaprjeđenju i zaštiti čovjekove životne i radne okoline;
- u oblastima kulture, fizičke kulture i sporta;
- u drugim oblastima od značaja za Općinu.

1. **ASIJA HAJDAREVIĆ**
2. **ZEKERIJAH NALIĆ**
3. **“MRKVA” GROUP d.o.o.**

III

POLICAJAC GODINE

Općinsko priznanje Policajac godine dodjeljuje se pojedincima, policijskim službenicima I Policijske uprave – Policijska stanica Stari Grad Sarajevo, za izuzetan doprinos i postignute rezultate u zalaganju za ostvarivanje što povoljnije bezbjedonosne situacije na području općine Stari Grad Sarajevo u prethodnom jednogodišnjem periodu.

1. **HODŽIĆ MIRSAD**

IV

ZAHVALNICA OPĆINE STARI GRAD

Zahvalnica Općine Stari Grad dodjeljuje se građanima i institucijama Općine i drugih nivoa vlasti u Bosni i Hercegovini, pojedincima i institucijama prijateljskih općina, kao i stranim državljanima i institucijama koji su dali naročit doprinos u razvoju i promovisanju Općine u oblasti ekonomije, nauke, obrazovanja, kulture, fizičke kulture i sporta, zdravstva i socijalne zaštite i drugim oblastima od značaja za Općinu.

1. **TATLIĆ ASMIR**
2. **HADŽIEFENDIĆ HAMID**

VI

Priznanja utvrđena ovom Odlukom dodjeljuje Općinsko vijeće na svečanoj sjednici Općinskog vijeća, zakazanoj povodom Dana Općine ili u dane utvrđene Odlukom o obilježavanju značajnih događaja, datuma i ličnosti iz perioda agresije 1992.-1995. godina i u drugim prigodama.

VII

Ova Odluka stupa na snagu danom donošenja, a bit će objavljena u „Službenim novinama Kantona Sarajevo“.

**PREDSJEDAVAJUĆI
OPĆINSKOG VIJEĆA STARI GRAD
SARAJEVO**

Broj: 02-49-
April, 2012. godine

Prof. dr. Rizah Avdić

Obrazloženje

I – PRAVNI OSNOV

Pravni osnov za donošenje ove Odluke sadržan je u propisima navedenim u preambuli Prijedloga.

Odlukom o priznanjima Općine Stari Grad Sarajevo se utvrđuju Općinska priznanja koja se dodjeljuju za izutne rezultate postignute u oblastima privrede i društvenih djelatnosti, kao i za doprinos odbrambenim funkcijama Općine Stari Grad Sarajevo.

Odredbama Odluke navedenim u preambuli prijedloga ove Odluke, propisan je razlog dodjele priznanja, vrsta priznanja, broj priznanja koja se mogu dodijeliti i način dodjele priznanja.

II – RAZLOZI ZA DONOŠENJE ODLUKE

Pored već navedenih razloga, osnovni razlog za donošenje ove Odluke proistiće iz praktične potrebe da se utvrdi konačna lista kandidata za dodjelu Općinskih priznanja, odnosno da bi se prije održavanja svečane sjednice Općinskog vijeća, a povodom 2. maja Dana Općine Stari Grad Sarajevo, moglo pristupiti dodjeli priznanja kandidatima po proceduri propisanoj Odlukom navedenom u preambuli ovog Prijedloga.

Pomenuta procedura podrazumijeva pribavljanje prijedloga putem javnog poziva, svih zainteresiranih, koji smatraju da neko lice zaslužuje najviša priznanja koje Općina Stari Grad može dodijeliti, da podnesu kandidaturu, a Komisija za priznanja da detaljno prouči prijedlog i putem tajnog glasanja pribavi dovoljan broj glasova za utvrđivanje prijedloga za dodjelu priznanja.

Komisija za priznanja Općine Stari Grad Sarajevo, na svojoj drugoj sjednici, a u skladu sa Poslovníkom Komisije, razmotrila je pristigle prijedloge na Javni poziv objavljen u dnevnim novinama i na web stranici Općine, te nakon tajnog glasanja, utvrdila prijedloge za dodjelu priznanja.

Komisija za priznanja je na sjednici održanoj 11. aprila 2012.godine, zasjedala je u punom sastavu te nadpolovičnom većinom (9 članova) izglasala:

- **Općinska povelja sa zlatnim štitom** - od 6 predloženih Komisija izglasala 2 pojedinačna priznanja
- **Povelja sa grbom Općine Stari Grad** – od predloženih 3 pojedinačna i 3 kolektivna priznanja
Komisija izglasala 2 pojedinačna i 1 kolektivno priznanje

- **Zlatni sebilj** - Za ovo priznanje nije niti bilo prijedloga,

- **Policajac godine** – Od 1 prijedloga Komisija izglasala 1 pojedinačno priznanje (koliko se, prema Odluci i dodjeljuje)

-**Zahvalnica Općine Stari Grad** - jednoglasno odlučeno da se Općinskom vijeću 2 predložena kandidata.

Stručna obrada
Stručna služba Općinskog vijeća

Predlagač:
Komisija za priznanja

Na osnovu člana 25. Statuta Općine Stari Grad Sarajevo – Prečišćeni tekst ("Službene novine Kantona Sarajevo", broj 31/08), a u skladu sa članom 3. tačka d) i člana 10. Zakona o finansiranju političkih partija („Službeni glasnik BiH“, broj 22/00, 102/09 i 54/10), Općinsko vijeće Stari Grad Sarajevo je, na 38. sjednici, održanoj 29. marta 2012. godine, donijelo

O D L U K U
O UČEŠĆU U FINANSIRANJU RADA KLUBOVA VIJEĆNIKA
POLITIČKIH STRANAKA I NEZAVISNIH VIJEĆNIKA
U OPĆINSKOM VIJEĆU STARI GRAD SARAJEVO

Član 1.

Ovom Odlukom utvrđuje se način raspodjele sredstava predviđenih u Budžetu Općine Stari Grad Sarajevo (u daljem tekstu: Budžet), za finansiranje rada Klubova vijećnika parlamentarnih stranaka zastupljenih u Općinskom vijeću Stari Grad Sarajevo i nezavisnih vijećnika (u daljnjem tekstu: klubovi vijećnika).

Član 2.

(1) Finansiranje klubova vijećnika vršit će se iz sredstava utvrđenih Budžetom za grant ekonomski kod 614 300 – Grantovi klubovima vijećnika parlamentarnih stranaka.

(2) Budžetom predviđena sredstva za finansiranje rada klubova vijećnika raspoređuju se na način da se:

- 30% sredstava raspoređuje na jednake dijelove svim klubovima vijećnika,
- 70% sredstava raspoređuje srazmjerno broju vijećničkih mjesta koje svaki klub vijećnika ima u Općinskom vijeću, u momentu raspodjele mandata.

(3) Sredstva iz stava (1) ovog člana, isplaćuju se u mjesečnim tranšama, na način regulisan Odlukom o izvršavanju Budžeta Općine Stari Grad Sarajevo, za tekuću godinu.

Član 3.

Stupanjem na snagu ove Odluke prestaje da važi Odluka o načinu raspodjele sredstava namijenjenih za rad političkih stranaka ("Službene novine Kantona Sarajevo", br. 16/05).

Član 4.

Ova Odluka stupa na snagu danom donošenja i bit će objavljena u “Službenim novinama Kantona Sarajevo”.

PREDSJEDAVAJUĆI
OPĆINSKOG VIJEĆASTARI GRAD
SARAJEVO

Prof. dr. Rizah Avdić

broj:02-49-
Mart, 2012. godine
Sarajevo

O b r a z l o ž e n j e

I PRAVNI OSNOV

Pravni osnov za donošenje Odluke o načinu raspodjele budžetskih sredstava namijenjenih za rad klubova vijećnika u Općinskom vijeću Stari Grad Sarajevo, je član 25. Statuta Općine Stari Grad Sarajevo, kao i čl. 3. i 10. Zakona o finansiranju političkih stranaka.

Ovom Odlukom stavlja se van snage Odluka o načinu raspodjele sredstava namijenjenih za rad političkih stranaka ("Službene novine Kantona Sarajevo", br. 16/05) kojoj je takođe pravni osnov bio Statut Općine Stari Grad Sarajevo i Zakon o finansiranju političkih stranaka.

II RAZLOZI DONOŠENJA

Na 37. sjednici OV održanoj 29. februara 2012. godine usvojen je Zaključak kojim se zadužuje se Stručna služba Općinskog vijeća da, za narednu sjednicu Općinskog vijeća, pripremi tekst Prijedloga Odluke o izmjenama i dopunama Odluke o načinu raspodjele sredstava namijenjenih za rad političkih stranka, kojom će član 3. i 4. Odluke biti stavljeni van snage.

S bzirom da je, pored navedenih, predložene odredaba, bilo potrebno pristupiti i određenim dopunama teksta Odluke, kao i izmjeni samog naslova, Stručna služba Općinskog vijeća je pripremila novi, cjelovit tekst Prijedloga Odluke.

STRUČNA OBRADA:

Stručna služba OV

PREDLAGAČ:

Kolegij OV

Na osnovu člana 13. stav 2. alineja 1. Zakona o principima lokalne samouprave Federacije BiH („Službene novine Federacije BiH“, broj 49/06), člana 25. tačka 1. i člana 77. i 78. Statuta Općine Stari Grad Sarajevo-Prečišćeni tekst („Službene novine Kantona Sarajevo“, broj 31/08) i člana 73. Poslovnika Općinskog vijeća – Prečišćeni tekst („Službene novine Kantona Sarajevo“, broj 31/08 i 31/10), te Zaključka o pokretanju postupka za izmjenu Statuta Općine Stari Grad Sarajevo broj: 02-49-107/12 od 29.02.2012. godine, Općinsko vijeće Stari Grad Sarajevo, na sjednici održanoj 29. marta 2012. godine donjelo je

O D L U K U
O IZMJENAMA I DOPUNAMA STATUTA OPĆINE STARI GRAD
SARAJEVO

Član 1.

U Statutu Općine Stari Grad Sarajevo- Prečišćeni tekst („Službene novine Kantona Sarajevo“, broj 31/08) , u članu 21. stav 3. se briše.

Član 2.

U članu 25. tačka 7, na kraju rečenice, dodaju se riječi : „u skladu sa Zakonom“ .
U istom članu se mijenja tačka 16. tako da glasi:
„ Formira komisiju koja u drugom stepenu rješava na osnovu Statuta ili propisa Općinskog vijeća, a u okviru isključivih prava i dužnosti Općine.“

Član 3.

U članu 27, u trećem redu, na kraju teksta, umjesto riječi "12 vijećnika" piše se:
" 11 vijećnika."

Član 4.

U članu 33. stav 2, alineja 3. se briše.

Član 5.

U članu 50. stav 4. se mijenja i glasi:
„Mandat članova savjeta mjesnih zajednica traje 4 (četiri) godine.“

Član 6.

U članu 77, u drugom redu umjesto riječi „dvanaest općinskih vijećnika“, piše se "najmanje 1/3 općinskih vijećnika, odnosno 11 vijećnika".

Član 7.

Ova Odluka stupa na snagu danom donošenja, a naknadno će biti objavljena u „Službenim novinama Kantona Sarajevo“.

Član 8.

Ovlašćuje se Komisija za propise i Statut Općinskog vijeća Stari Grad Sarajevo, da sačini prečišćeni tekst Statuta Općine Stari Grad Sarajevo.

Broj: 02-49-
mart 2012.godine
Sarajevo

**PREDSJEDAVAJUĆI
OPĆINSKOG VIJEĆA STARI GRAD
SARAJEVO**

Prof. dr. Rizah Avdić

O B R A Z L O Ž E N J E

I P R A V N I O S N O V

Pravni osnov za donošenje Odluke o izmjeni i dopuni Statuta Općine Stari Grad Sarajevo, sadržan je u preambuli Odluke.

Naime, članom 13. stav 2. alineja 1. Zakona o principima lokalne samouprave u FBiH utvrđeno je da:

„Vijeće u okviru svojih nadležnosti :

- priprema i dvotrećinskom većinom glasova usvaja statut jedinice lokalne samouprave;“

Članom 25. stav tačka 1. Statuta Općine Stari Grad Sarajevo, utvrđeno je da:

„Općinsko vijeće:

1. dvotrećinskom većinom donosi Statut Općine i odlučuje o njegovim promjenama;

dok je članom 77. i 78. Statuta propisana nadležnost za pokretanje i sam postupak izmjene Statuta.

Na inicijativu Općinskog Načelnika i prijedlog Komsije za propise i Statut, a u cilju usklađivanja pojedinih odredaba Statuta Općine Stari Grad Sarajevo sa odredbama Zakona o principima lokalne samouprave Federacije BiH („Službene novine Federacije BiH“, broj 49/06), revidiranja odredaba koje se odnose na provođenje izbora za savjete mjesnih zajednica, kao i drugih odredaba Statuta, čija se primjena u praksi izmjenila, Općinsko vijeće Stari Grad Sarajevo je na 37. sjednici održanoj 29. februara 2012. godine donjelo Zaključak o pokretanju postupka za izmjenu Statuta Općine Stari Grad Sarajevo.

Navedenim Zaključkom, Vijeće je utvrdilo da će, u skladu sa hitnošću postupka, na narednoj, 38. sjednici Općinskog vijeća, razmatrati ponuđeni Prijedlog Odluke o izmjenama i dopunama Statuta Općine Stari Grad Sarajevo.

II O D R E D B E K O J E S E M I J E N J A J U

1. S obzirom da je već odavno prošao rok naveden u ovome članu predlaže se njegova izmjena:

Novi prijedlog:

Član 1.

„U članu 21. stav 3. se briše.“

- Dosad je navedena odredba glasila:

„Član 21.

Općinsko vijeće je predstavničko tijelo građana i Općine.

Općinsko vijeće ima 31 vijećnika. **Nakon Općinskih izbora koji će se održati 2000.godine Općinsko vijeće će biti sastavljeno od 31 vijećnika.**

Trajanje mandata općinskih vijećnika uređuje se Ustavom i Zakonom.“

2. Izbor i imenovanje sekretara Općinskog vijeća se vrši po postupku propisanom Zakonom o državnoj službi u FBiH („Službene novine Federacije BiH“; broj broj: 29/03, 23/04, 39/04, 54/04,67/05,08/06) i Zakona o primjeni Zakona održavnoj službi u FBiH u Kantonu Sarajevo („Službene novine Kantona Sarajevo“, broj 8/11), stoga je bilo potrebno predložiti sljedeću izmjenu:

Novi prijedlog: „Član 2.

U članu 25. tačka 7. na kraju rečenice dodaju riječi : „u skladu sa Zakonom“.

- Dosad je navedena odredba glasila:

„Član 25.

Općinsko vijeće :

7. bira i razrješava dužnosti sekretara Općinskog vijeća;”

Kako je Općinsko vijeće donjelo Odluku o osnivanju drugostepene stručne komisije Općine Stari Grad Sarajevo („Službene novine Kantona Sarajevo“, broj 15/07) , čiji mandat je 4 godine, koliko i sastavu Općinskog vijeća, u svakom svom mandatu formira se nova Drugostepena stručan komisija, a u skladu sa članom 223. tačka 1. Zakona o upravnom postupku Federacije Bosne i Hercegovine („Službene novine Federacije BiH“, broj: 2/98 i 48/99) kojim je regulisano:

„ Ako je u prvostepenom upravnom postupku rješavano na osnovu statuta ili propisa općinskog vijeća, u okviru isključivih prava i dužnosti općina, o žalbi protiv tih rješenja u drugom stupnju rješava općinski organ određen statutom općine, odnosno organ određen propisom općinskog vijeća.

Novi prijedlog:

U istom članu mijenja se tačka 16. tako da glasi:

„ Formira komisiju koja u drugom stepenu rješava na osnovu Statuta ili propisa Općinskog vijeća, u okviru isključivih prava i dužnosti Općine.”

– Dosad je navedena odredba glasila:

"16. vrši poslove drugostepenog organa koje je Općinski načelnik rješavao na osnovu propisa Općine."

3. S obzirom da 1/3 od 31 vijećnika u Općinskom vijeću čini 10 + 1 vijećnika, time se vrši sljedeća ispravka:

– **Novi prijedlog:**

" Član 3."

U članu 27, u trećem redu, na kraju teksta, umjesto riječi "12 vijećnika" piše se:

5.

"najmanje 1/3 Općinskih vijećnika odnosno 11 vijećnika."

- **Dosad je navedena odredba glasila:**

"Član 27.

Predsjedavajući saziva sjednice Općinskog vijeća po svojoj inicijativi, a dužan je sazvati sjednicu na zahtjev Općinskog načelnika ili najmanje jedne trećine Općinskih vijećnika, odnosno 12 vijećnika. "

4. Članom 18. stav 1. Zakona o principima lokalne samouprave u FBiH propisano je da:

„Vijeće, većinom od ukupnog broja vijećnika usvaja budžet u roku predviđenom budžetskim kalendarom.

Novi prijedlog : **„Član 3.**

„U članu 33. stav 2, alineja 3. se briše.“

- **Dosad je navedena odredba glasila:**

„Član 33.

Općinsko vijeće donosi odluke većinom glasova od ukupnog broja svojih članova. Izuzetno od prethodnog stava, Općinsko vijeće odlučuje dvotrećinskom većinom o sljedećim pitanjima:

- donošenju i promjeni Statuta Općine,
- zaduživanju Općine ,
- **budžetu i završnom računu budžeta,**
- eksproprijaciji nekretnina i prometu nekretnina i prava,
- prenesenim nadležnostima Općine,
- osnivanju mjesne zajednice.“

5. U skladu sa Zaključkom o pokretanju postupka za izmjenu Statuta Općine Stari Grad Sarajevo, a na inicijativu Općinskog Načelnika:

Novi prijedlog **„Član 5.**

U članu 50. stav 4. se mijenja i glasi:
Mandat članova savjeta mjesnih zajednica traje 4 (četiri) godine.“

- **Dosad je navedena odredba glasila:**

„Član 50. stav 4.

Mandat članova Savjeta traje dvije godine.

6. Isto kao pod 3.

6.

Novi prijedlog

„Član 6.

U članu 77. u drugom redu umjesto riječi „dvanaest“, piše se riječ „jedanaest“.

- **Dosad je navedena odredba glasila:**

„Član 77.

Promjenu Statuta Općine mogu predložiti Komisija za propise i Statut, najmanje **dvanaest** općinskih vijećnika, Općinski načelnik ili građani putem građanske inicijative.“

III RAZLOZI DONOŠENJA

Napominjemo da su, u skladu sa članom 58. stav 2. Zakona o principima lokalne samouprave Federacije BiH („Službene novine Federacije BiH“, broj 49/06), FBiH i kantoni bili dužni uskladiti svoje zakone sa ovim Zakonom, te izvršiti prijenos poslova i nadležnosti, kao i odgovornosti dodijeljenih jedinicama lokalne samouprave, ovim zakonom, u roku od šest mjeseci od dana njegovog stupanja na snagu.

Kako Kanton Sarajevo, još uvijek, nije postupio u skladu sa navedenim odredbama, čime bi Općina Stari Grad Sarajevo, kao i sve općine na području Kantona mogle pristupiti usklađivanju postojećih, odnosno donošenju potpuno novih statuta, ukazala se potreba za revidiranjem pojedinih odredaba Statuta čija se primjena u praksi izmjenila.

S obzirom na navedeno predlažemo Općinskom vijeću da ponuđeni prijedlog usvoji.

STRUČANA OBRADA:

Stručna služba OV

Služba kabineta Općinskog Načelnika

PREDLAGAČI:

Komisija za propise i Statut

Općinski Načelnik